

TRIBUNA POLITICA

In clar NA all'iniziativa per in augment dall'AVS

DA MARTIN CANDINAS, CUSSEGLIER NAZIUNAL

Actualmein ha la sesiun d'atun dil parlament federal liug a Berna. In dils temas centrals el cussegl nazional ei la refurma dalla prevenziun per la vegliadetgna 2020. La finamira da quella refurma ei da segirar la finanziaziun dallas segiradas socialas egl avegnir. Quei fa da basegn muort il svilup demographic. Il diember da persunas ella vegliadetgna da pensiun crescha ad in crescer en cumparegliazun cun il diember da persunas el process da lavur. Quei munta pia che adina dameins persunas el process da lavur ston procurar per la finanziaziun dallas rentas dallas persunas en pensiun.



mein gia enorms, massivamein. Las entradas dall'AVS stuessen vegnir augmentadas considerablaimein. Ils iniziants fan negins quitaus d'augmentar las contribuziuns sin las pagas dallas persunas ch'ei in el process da lavur. Talas stuessen pia contribuir aunc dapli vid la finanziaziun dallas rentas ed havessen cheutras dameins daners a lur disposiziun.

ters che vegn en votaziun ils 25 da settember metta quei cumpromiss cumplesamein en damonda. Ils iniziants vulan buca renconuscher il fatg che nus havein oz cun adina dapli persunas pensiunadas e dameins persunas el process da lavur in enorm problem da finanziaziun dallas segiradas socialas. Els vulan era buca capir che nus vegnin egl avegnir nunpusseivel a saver finanziaziun nossas segiradas socialas cun in augment massiv dall'immigraziun da giuvnas forzas da lavur sco quei ch'igl ei stau il cass ils davos onns.

In augment dallas contribuziuns sin las pagas procuras era per cuosts supplementars per l'economia. En cumparegliazun internaziunala ha la Svizra gia oz cuosts da pagas fetg aults. Quels vegnessen aunc ina ga augmentai. Gest en ina situaziun nua che l'economia d'export ha da sbatter fermamein cun la concorrenza digl'exteriur ein tals augments da grond donn. Biaras plazzas da lavur ell'industria ein vegnidas transferidas ils davos onns egl'exteriur. Cun aunc pli aults cuosts vegn quella tendenza rinforzada.

El cussegl dils stans han Eins anflau la fin digl'onn vargau in bien cumpromiss helvetic. Ella secunda petga duei la tariffa da conversiun vegnir sbasada. Cun quella mesira vegnan las rentas dalla prevenziun professionala sminuidas. Ell'emprema petga duei la vegliadetgna da pensiun dallas dunnas vegnir adattada a quella digl'umens, pia a 65 onns. Sco pintga cumpensaziun per quellas mesiras tier omisduas petgas duei la renta dall'AVS vegnir augmentada per 70 francs il meins. La pcd ha giu elaborau quei cumpromiss el cussegl dils stans e vegn a sustener quei model era el cussegl nazional. Quei cumpromiss ei era vegniu susteniu dalla vart seniestra el cussegl dils stans.

Enstagl pretendan els in augment dallas rentas dall'AVS per tuts per 10%! Co declaran ils iniziants a lur affons e biadis che las rentas dall'AVS duein vegnir augmentadas per 10% ed aschia procurar per cuosts supplementars da quater milliardas francs ad onn? Nua duein nus recaltgar quels daners per l'AVS oz ed egl'avegnir?

L'iniziativa AVSplus ha vuler augmentar las rentas dall'AVS. Ils iniziants ein denton buca cunscients dallas consequenzas ch'in tal augment havess per l'economia da nosa tiara, denton era per igl'equiliber social denter giuven e vegl. Far schenghetgs sin donn e cuost dallas generaziuns vegnentas corrispundera buca ad in agir solidaric e da gronda responsabladad. Perquei appelleschel jeu, stimadas votantas e prezai votants, da refusar l'iniziativa AVSplus.

L'iniziativa AVSplus Ldils sindicats e senias-


L'AURA

Ferm surtratg e plievgia

Situaziun generala: Sur las Alps po il favugn anc influenzer l'aura, vers l'Italia dal nord smarga dentant la pressiun d'aria freida.

Oz: Oz venderdi èsi ferm surtratg e cunzunt la segunda mesadad dal di ploi. La temperatura sa sbassa sin 13 grads e s'auza il suentermezdi sin 18 grads en il nord e 14 grads en l'Engiadina'Autta.

Prognosa: La sonda èsi per gronda part nivla ed adina puspè plievgia, en il nord ploi cuntinuadamain cun temperatura enturn 16 grads. Era la dumengia da Rogaziun federala èsi bletsch. En l'Engiadina damain plievgia, il termometer va sin 25 grads.



NOVITADS WWW.RTR.CH

Andeer ha decidi davart la gulivaziun communal

Mesemna saira ha la radunanza communal d'Andeer refusà la gulivaziun communal che la suprastanza aveva proponi. La radunanza communal giavisch che la suprastanza surlavuria il reglament davart la cumpensaziun da la pivalur ed il fond da gulivaziun communal. Quel reglament procura ch'in avantagz in in dischavantagz tras ina midada da zonas dal terren vegnia gulivà. Cun la nova lescha davart la planisaziun dal 2014 aveva la suprastanza survegni il pensum d'elavurar in reglament. Approvò ha il suveran d'Andeer ina midada da la constituziun communal. Da nov vala in temp d'uffizi da trais onns enstagl da dus per suprastans, per la cumissiun da gestiun e per delegads. Il temp d'uffizi maximal cuzza da nov 12 onns.

Dapli daners per la furmazion

Per ils proxims quatter onns ha la confederaziun previs in sustegn per scolaziun e perscrutaziun en l'ateutza da 26,4 milliardas francs. Suenter il cussegl dals chantuns è uss er il cussegl nazional pront da conceder dapli daners che quai ch'il cussegl federal aveva pretendi. L'augment munta a 395 milliuns francs. Quels en repartids sco suonda: la sparta ETH survegn 160 milliuns dapli; la furmazion professionala 100 milliuns; las scolas autas e scolas autas professionalas chantunals 95 milliuns ed ils indrizs da perscrutaziun da muntada nazionala survegnan 40 milliuns dapli. Il cussegl federal aveva previs var 26 milliardas francs per scolaziun e perscrutaziun. Il parlament è pli generus e vul dar bun 1,5% dapli. Il cussegl nazional era l'emprim anc suandà la proposta dal cussegl federal. Cun discutir las differenzas ha el dentant dà raschun al cussegl dals chantuns. Cus quest augment ha il parlament er dà glich verda als 100 milliuns francs ch'i' dovra per stgaffir ulteriuras plazzas da studi per medis.

Il parc da la Viafier retica è avert per la publicitad

Davent dad immediat pon ins in il parc da la Viafier retica ch'è gist dasper il Museum d'art a Cuira. La Retica e la citad da Cuira en sa convegnidas da poscher in ulteriur parc a la publicitad. Il dretg d'utilisaziun è il mument limità en fin da l'onn 2016. Sch'i sa cumprova da laschar avert il parc, lura èsi previs ch'el restia avert er vinavant. Il parc en la Via da la staziun è avert minga di tranter las 06.00 e las 20.00. El è accessibel davent da la Via da la staziun sco er davent da la porta laterala dal Museum d'art. La citad da Cuira è responsabla per urden e ruas en il parc. I para sco sche la Viafier retica avriss be navidas il parc. Durant l'emna en avertas numnadamain be las duas portas pitschnas da l'entrada principala visavi dal Manor. La porta gronda amez vegn averta be durant la fin d'emna. Tenor Renato Fasciati, il directur da la viafier, è quai per mussar

a la glieud ch'i vegnia lavurà durant l'emna en il bajetg istoric. Il cussegljer da la citad Tom Leibundgut ch'è il «bab» da l'idea d'avrir il parc chapescha tant enavant las resalvas da la viafier. Il parc saja stà serrà bliers onns per la publicitad, uschia saja quai ina gronda midada per tuts tar la Viafier retica. Da vart da la citad hajan ins dentant blier pli paucas resalvas, uschia Leibundgut. Cun il Parc Fontana che tutgia a la Banca Chantunala Grischuna hajan ins fatg bunas experientschas. Uschia vegnia er a funcziunar en il parc da la viafier, è persvadi Tom Leibundgut. Per vegnir a la convegnia tranter citad e viafier ha el contract passà in onn cun la viafier. Tenor la convegnia è la viafier responsabla per la tgira dal parc durant l'emna e la citad principalmain la fin d'emna. Plinavant ha la polizia da la citad survegni la lubientscha da procurar per la segirezza en il parc.



Uss è er il parc da la Retica accessibel ad in e scadin. FOTO M. HARTMANN

Schlucclar la protecziun dal luf

Sch'i gress tenor il cussegl nazional vegniss il luf stritgà da la convenziun da Berna che metta el sut protecziun rigurusa. Il cussegl nazional ha approvà l'iniziativa dal chantun Vallais che pretendia d'abolir la convenziun da Berna. Vul dir: La protecziun da las spezias duai vegnir negoziada da nov ed il luf duai pudair vegnir sajettà. Tenor la cussegliera nazionala da la ps grischuna, Silva Semadeni, sajetta l'iniziativa lunsch sur la finamira or. Cunquai va la fatschenta puspè enavos en il cussegl dals chantuns. Quel aveva numnadamain refusà l'iniziativa il mars.